

خبر الکلام

صاحب امتیاز و مدیر مسئولی
حسین شعی

سر محرری :
احمد شیرانی

۲۷ شباط

۱۴ ربیع الآخر

قل الخیر والافسکت

دین و وطن خدمت، عزم خالص اسید، بخشش کوندی نشر اول نور اسلام اشیر

اسعاف مطلوب

کیرہ سورہ : اسماعیل نجیب افندری بہ جواب
معلم ممتاز !

«ربابا ولد کیرینک دنیا دہ ایشہ مش اولدینی
سیانندن آخرتده، مسئول و معاقب اولور می اولمازی؟»
سوالہ ایکی دورلو جواب ویریلہ بیلیر . بری
«الجواب مسؤول و معاقب اولور» جواب مثبتی،
دیگری دہ «الجواب مسؤول و معاقب اولماز» جواب
منفی سیدر . اثبات ، بر جہتہ ، نفی دہ بشقہ بر
جہتہ عائد بواندینی ایچون شجرہ منطوق تناقضی
دالری نہ قومنش ایکی طیر کلامی صایلمزلر صانیورم .
«اولور» جوانی ، بالارک شرعاً مکلف بولندقلری
وظائف ابوت و دیاتی ایضا ایتمہ مش اولمالری
جہتہ ، «اولماز» جوانی دہ وظائف مذکورہ می
ایضا ایتمش بولنمالری جہتہ عائددر . بر بابانک
بالعموم اولادینہ راجع اولوق اوزرہ بر طاقم
وظائف شرعیہ سی واردر . فقط عاقل و بالغ
اولمایان اولادینہ ایضا ایدہ جکی وظائف عاقل و بالغ
اولان اولادینہ قارشو ایضا ایدہ جکی وظائف ،
بعض نقطہ لر دہ یکدیگر لرندن آریلور .

عاقل و بالغ اولمایان اولادینہ قارشو ایضا
ایدہ جکی وظائفک بری ، حتی برنجیسی ، دین

اسلامک اعتقاد و عبادت کی احکامہ عائدہ مشلہ لر
کوزلجہ - نظری و عملی برصورتدہ - اکلائق
واوکر تمکدر . بونلری ممکن مرتبہ تعلیم و تفہیم
ایستدکد انصکر دمقتضاسنجہ عمل ایتمک اوزرہ دہ امر
و تنبیہ دہ بولنہ جق ، امر و تنبیہ ، تأمین مقصدہ
کافی کلدیکی صورتدہ ایشی اجبارہ واردیرہ جق ،
ایجابندہ طایق بیلہ آنا جق در . بو خصوصہ دائر
وارد اولان تعلیمات شرعیہ دن بری دہ [جو جق لر یکز
یدی یاشنہ وارنجہ نماز قیلہ لر ایچون امر
و تنبیہ ایدیکنز ، اون یاشنہ واریردہ بنہ قیلمازلر سہ
دو کیکز] مآلدہ کی حدیث شریفدر . جو جق لر
سن رشد و بلوغ اولان اون ایکی یاشنہ وارعماد
قجہ اعتقادات و عبادات ایلہ مکلف دکالرسدہ
فقط ، اونلری دہا کوچک ایکن احکام اسلامہ بہ
آلشہ دیرمق و او بولدہ بر تربیہ دینہ و یرمک ،
حکمت و مصلحت شرعیہ سنہ مبنی بالعموم بالار
بو وظیفہ ایلہ توظیف سیوریلور .

عاقل و بالغ اولان اولادینہ قارشو ایضا ایدہ جکی
وظائف دینیہ نک الک مهمی ایستہ اونلری خلاف
شرع بر حرکتدہ کور و ونجہ لسانا ، او ، تأثیر ایتمز سہ
ضرب و جرحہ ، جدال و قتالہ مؤدی اولمایہ جق
بر صورتدہ مادہ مداخلہ ایلہ منع ایتمک ، او ، دہ
ممکن دکلسہ اوکا قارشو قایلندہ - رضاء لله تعالی -

بغض طاش-بمقدور . فقط بوظیفه ایله موظف اولان ، بالکیز بابالر دکل ، بتون مسلمانلر یکدیگرلرینه قارشو عین وظیفه ایله مکلف بولنور . حقیقت حالک بویله اولدیفنی بزه کوسترند [مهرهانی برمسلمان، دیگرینی خلاف شرع برحرکنده کورورسه یا لسانیه و یا یدیه و یا خود قلیله اونی منع ایتسون] معناسنده کی حدیث شریفدر .

بولنزدن بشقه برده (هیکنز بر چوبان سکنز وعهده نظارت و اداره کزه مودوع بولتان هیئت مجتمعه نیک حالندن مسئول سکنز) مضمونی افاده ایدن حدیث شریف واردر که : بالعموم رؤسانک وبالخاصه عائله رئیس-لرینک ، بالعموم زیرد ستانه وبالخاصه افراد عائله سه قارشو اولان وضیتلری بک کوزل تصویر و تعیین ایدیور . دیمک که عائله رئیس لری بر چوبانه و افراد عائله ده اونلرک دست نظارت و اداره لرینسه تودیع ایدیلان حیوان سورلرینه بکزه دیلور . شو حالده بر چوبان ، کونمکده اولدیفنی حیوان سورلرینه کان ضرردن طولانی فصل مسئول طوئیورسه برعائله رئیس ده نظارت ایتمکله مکلف بولن دیفنی افراد عائله سنک سوء حالندن دوچار مسئولیت اولمی ایجاب ایدر فقط چوبانک صاع و تقصیری اولمق سزین بر چوبانک کندی کندیند و شوب اولمی ، موجب مجازات اولدیفنی کی برعائله رئیسک ده رضامی اولمق سزین افراد عائله سندن برینک خلاف شرع ایش یا مانسندن طولانی مسئول اولمی لازم کلز .

بر بابا ، بوقار بدشبری عرض و ایضاح اولتان وظائف دینه سی ایفا ایجامش ایسه آخرتده مسئول اولور چونکه حرکات اهلکارانه سیله اولان دینک سیئاتنه اشتراک ایتمش صابیلور و بالعکس وظیفه مودوعه سی ایفا ایتمش ایسه مسئول اولماز

چونکه : نه فعلاً ، نه قلاباً مجرم دکادر . کندیمی هیچ بر وجهله مجرم اولمیان برکیمسه ایسه بشقه سنک سیئاتندن طولانی مسؤل و معاقب اولماز . حقیقتک بومر کرده اولدیفنی بزه کوسترن (هرکسک باشنه کان ضرر کندی نفسک سیئاتندن متولددر) و (برکیمسه بشقه سنک کنه اندن طولانی مسؤل و معاقب اولماز) مآلندو کی بر چوق آیات جلیله در .

قباحتیز برکیمسه سنک مسؤل طوئیلمه سی هم نقول شرعییه ، هم د عقول سلیمیه مخالفدر . چونکه : شارع تعالی حضر تلی بیله عبادنی اجبار ایتمه ریک ایسته دکاری جهته صرف ایلمک و فقط نتیجه حرکاتنه کوره مجازات کورمک شرطیه کندیلرینه براراده جزیه تودیع بیورمشدر . شارعک اجبار ایتمدیکی بر قوی ، بابایی نه و جهله و نه صلاحیتله اجبار ایدیه بیلور که : عکسی تقدیرده اونک سیئات ذاتیه و اختیار یه سندن طولانی سؤل و عقابه معروض قالسون ؟ مسئله مضی ایجه تنویر ایدن برجهت دها واردر که اوده بعض پیغمبر اولادینک کندی بابالرینه ایمان و انقیاد ایجامسیدر . حالبوکه اونلرک عصیان بایراغنی چکمش اولملرندن طولانی بابالرینک مسؤل اوله جقارینه دائر هیچ برنقل بوقدر ، عقلده نجوژ ایتمز .

بومسئله حقیقه یکدیگریله مباحثه ایدن مدرس افندیلرک بری بالاده عرض اولتان بر جهتی ، دیگریدها و ، برجهتی نظره آلیورسه هر ایکسنک ده حقلی اولدیفنی بیان ایله ایضاحتمه ختام و بررم افندم .

احمد شیرانی